



Senin, 27 Maret 2023
Ogen: Lukas 1:39-45



NURI-NURI MAN TEMAN



Seminggu kita ras tokoh Pustaka Si Badia sitergelar Maria. Ia nande Jesus, erbage dampar situasi geluhna i bas ia sipilih jadi diberu si jadi nande Dibata. Alat Dibata guna natang tuah gelah Dibata reh ku doni enda. Salah sada si teridah arah biakna, e me kenca iendeskenna dirina man Dibata, jadilah bagi siikataken malekat man bana. E maka bagi siituriken malekat kerna Elisabet kade-kadena si enggo metua tapi i bas masa tuana ia ngaloken perkuah ate Dibata seh maka banci ia natang tuah.

Idahina Elisabet, ku sada kuta i ja Elisabet ras perbulangenna Sakaria tading. Arah kai siituriken i bas renungenta enda, situhuna buen nge Elisabet si ngerana, igejabkenna kerehen Maria jadi sada perbahanen Dibata si mbelin i ja anak si bas bertinna kemuit. Pengakunna kerna nande Tuhan reh ndahi ia. Amin bage gia si jadi tapi kininggiten ras ersuruhna ukur Maria ndahi Elisabet tentuna sada kiniteken si mbelin. Atena jumpa ras kalak singaloken 'muzizat' Dibata i bas geluhna. Maria perlu teman nuri-nuri (curhat) si seri penggejapenna, si ngangkai kai si jadi man bana.

Kepeken kalak si seri penggejapen, pengalaman geluhna ras kinitekenna me maka ngasup sitatang-tatangan, sitotonken ras siapulen. I je kal perlu rasa 'empati' nandnagi saph-saph manusia, saph-saph diberu. Adi la ia ngasup ngidah rancangan ras perbahanen muzizat Dibata tentuna cikurak ras finah me si turah. E maka selaku Moria, kalak si tek perlu kal sipebelin penggejapenta nandangi teman-temannta i bas kerina kecibal geluhna. Gelah la iakapna ia si sada, kelungenen ia i bas perbeben si man alankenna. Hadirlah i bas kerina situasi geluh temanta. La saja i bas keriahen ukur tapi pe i bas perbeben, ceda ate ras arapenna si langa tersehi.